


中華民國109年全國語文競賽試辦本土語文情境式演說題目

閩南語 國小學生組 第 1 題



頂禮拜日，本來早就講好規家伙仔欲鬥陣去遊樂園迺迺，阿母煞雄雄愛去加班。我隨目箍紅，一支喙翹甲會當吊豬肉全款。阿爸看我失神失神，就答應恁我去庄跤的溪仔邊釣魚。本底我叫是釣魚仔是真無聊的代誌，無啥興趣。毋過阿爸教我縛魚釣仔、攢杜蚓仔做釣餌，逐項代誌變甲攞真好耍！

佇溪仔邊坐真久，根本釣無一箍芋仔番薯，想講規氣來開講，一開喙講天講地講鸞稀講飯籩，講毋知通煞。阿爸細聲仔講：「釣魚愛有耐性，愛惦惦仔等才袂去驚著魚仔！」我鼻仔摸咧，只好乖乖仔等。

無佻久，浮動開始震動矣，阮下性命換，真無簡單才釣著一尾大魚！我一直欲倚過去看，煞予彼尾魚仔拚甲規頭規面黏齣齣。我練習共魚釣仔對魚的喙提落來，邊仔的人攞足欣羨，比大頭拇呵啉我蓋厲害！

暗頓阿爸共魚仔創好勢，專工去菜市仔買配料，煮我上愛食的紅燒魚。魚仔料理芳味規厝間，阿爸真風神，比手劃刀講甲喙角全泡，講家已佻厲害。會使規家伙仔歡歡喜喜享受愛的暗頓，就是幸福的滋味。

問題一：請問你有釣魚仔的經驗無？簡單講看覓。

參考答案

我是蹓都市，所以猶無機會通去釣魚仔，毋過我捌去釣蝦仔場釣過蝦仔。彼擺是佇我五年仔的時，阮阿爸恁我去參加同窗會逐家相約去釣蝦仔。佢釣魚仔全款，釣蝦仔嘛是愛真有耐性才有法度釣有。阮無釣足濟，結果阿爸只好開錢用買的才有通現場煮來食。

問題二：除了釣蝦仔，你閣捌佢厝裡的人做過啥物其他佇外口的活動？

參考答案

除了釣蝦仔，我閣捌佢厝裡的人鬥陣去跔山賞油桐花。逐冬四、五月的時，油桐花開甲滿滿是，規片山攏是白色的，親像落雪全款，嬌甲袂曉講。阮閣向腰共落佇塗跔的花蕊拈起來做花箍，戴佇頭殼頂袂輸天頂的仙女咧！